

Stáhtaráđi ásahus

bivddus Deanu čázádaga oalgečázadagain

Stáhtaráđi mearrádusa mielde mearriduvvo guolástanlága (379/2015) ja Suoma ja Norgga gaskasaš Deanu čázádaga bivdosoahpamuša lálkaásahansuorgái gullevaš mearrádusaid fápmuibidjan- ja heivehanlága (176 /2017) 7 §:a 3 momeantta vuodul:

1 §

Heivehanguovlu

Dát ásahus heivehuvvo Suoma ja Norgga gaskasaš Deanu čázádaga soahpamuša (SopS 41 ja 42/2017) 2 artihkkala 2 čuoggás oavvilduvvon čázádaga luossagoargngunguovllus čuovvovaččat:

- 1) Buolbmátjávri, Gálddašjohka Luovosvárjoga njálmmi rádjai, Badje-Buolbmátjohka Badjedoržži rádjai, Luossajohka Luossajávri rádjai, Morešveaijohka njeallje kilomehtera bajásguvlui luoitinsajis Badje-Buolbmátjohkii sihke Skihpajohka vuosttas luobbala rádjai;
- 2) Veahčajohka Veahčajávri rádjai ja Váisjohka Váislubbala rádjai;
- 3) Ohcejohka Mierašjávri rádjai, Čársejohka Liŋkinjohnjálmmis 10 kilomehtera bajásguvlui ja Geavvu Fiellogahjoga njálmmi rádjai;
- 4) Goahppelašjohka Birkejohnjálmmi rádjai, Birkejohka Badjedoržži rádjai sihke Goaskinjohka Goaskinjávri rádjai;
- 5) Njiljohka 13 kilomehtera nuppi juovvagietti rádjai;
- 6) Áhkojohka goržži rádjai; sihke
- 7) Gáregasjohka vihtta kilomehtera Luopmošjohnjálmmis bajásguvlui.

Dán ásahusa lassin bivdui 1 momeanttas oavvilduvvon guovlluin heivehuvvo stáhtaráđi ásahus bivddus (1360/2015, maŋgelis guolástanásahus) dakko bokte go dán ásahusas ii nupeláhkai mearriduvvo.

2 §

Lobálaš bivdoneavvut

Luosa ja guvžžá oažžu bivdit:

- 1) jottuin, merddiin ja njággofirmiin Ohcejoga, Veahčaha ja Buolbmátjoga čázadagain; sihke
 - 2) stákkuin ja vuokkain.
- Eará guollešlájaid go luosa ja guvžžá oažžu bivdit čuovvovaš bivdoneavvuiguin ja vugii-
guin:
- 1) njággofierbmi;
 - 2) stággu ja vuogga;
 - 3) guollehehkke guoika- ja rávdnesajiid olggobealde badjel 200 mehtera duohken joga oi-
vošis dahje njálmmis;
 - 4) oaggun ja bilken guoika- ja rávdnesajiid olggobealde; sihke
 - 5) njáhkároahkki jieŋa alde bivddedettiin.

3 §

Bivdogieldoguvllut

Bivdu lea gildojuvvon čuovvovaš guovlluin:

- 1) Badje-Buolbmátjogas oktan oalgejogaiguin;
- 2) Gálddašjogas joganjálmmis ja Gálddašjogas Luovosvárjoga njálmmi rádjai oktan Gálddašluobbaliin ja -ládduin;
- 3) Ohcejogas joganjálmmi rájes Ohcejoga ja Njuorggáma gaskasaš geainnu šalddi rádjai; sihke
- 4) Čársejoga vuollegoržžis 60 mehtera mátkkis goržži niskkis vulosguvlui.

4 §

Almmolaš vahkkoráfáidahttin

Maŋnelis 5, 9 ja 10 §:s sihke 12 §:a 1 momeanttas mearriduvvon bivdoáigodaga áigge buot bivdu lea gildojuvvon sotnabeivvi rájes diibmu 19 vuossárgii diibmu 19, earret eará guollešlájaid go luosa dahje guvžžá bivddu jávriin badjel 200 mehtera duohken joga oivošis dahje njálmmis.

5 §

Bivdoáigodat stákkuin ja vuokkain

Stákkuin ja vuokkain oažžu bivdit Buolbmátjoga, Veahčajoga ja Ohcejoga čázadagain geassemánu 1. beivvi rájes borgemánu 31. beivái.

Heivehanguovllu eará go ovdalis 1 momeanttas oavvilduvvon čázadagain stákkuin ja vuokkain oažžu bivdit geassemánu 1. beivvi rájes borgemánu 20. beivái.

6 §

Seaktái ja ankorbivdosiidda guoskevaš ráddjehusat

Seaktin ii oáččo geavahit reahka, guoli dahje máđu.

Njáhkároahki oažžu geavahit dušše njáhkábivddus jieŋa alde. Nuppeláhkai go ovdalis 1 momeanttas daddjojuvvo, de Deanu čázadagas váldojuvvon jápma seakteguoli oažžu geavahit njáhkároahkiin bivdedettiin ja máđu oažžu geavahit seaktin jieŋa alde bilkedettiin.

Nadđaroahkana, guolleáksu ja hoava oažžu geavahit veahkkeneavvun bivdosii čakŋan guoli lokten dihte fatnasii dahje gáddái.

7 §

Luosa sálašearri bivddus

Stággo- ja vuoggabivddus oažžu váldit eanemustá guokte luosa sálašin bivdi ja jándora nammii.

Nuppeláhkai go guolástanásahusa 4 §:a 1 momeanttas mearriduvvo, de sálašearri ii guoskka buođđo- ja fierbmebivdui dán ásahusa heivehanguovllus.

8 §

Gildojuvvon stággobivdoguovllut

Vuoggabivdu lea gildojuvvon:

- 1) buođđočuoluid siskkobealde ja lagabus go 50 mehtera buođu vulobealde dahje 10 mehtera dan siiddu bealde;
- 2) 10 mehtera lagabus njággofierpmi;
- 3) šalddi alde;
- 4) fatnasis ja gáttis 200 mehtera lagabus oalgejoga lagamus gátti Geavu ja Čársejoga njálmmis Geavojávrris, Čársejoga njálmmis Geavus dahje Gálddašjoga ja Badje-Buolbmátjoga njálmmis Buolbmátjávrris.

9 §

Njággofierpmi bivdoáigodat

Luosa ja guvžžá oažžu bivdit njággofierpmiin geassemánu 1. beaivvi rájes suoidnemánu 31. beaivái vuossárggas diibmu 19 duorastahkii diibmu 19.

10 §

Buođđobivdu bivdoáigodat

Buođđobivdu lea lobálaš geassemánu 1. beaivvi rájes suoidnemánu 31. beaivái vuossárggas diibmu 19 duorastahkii diibmu 19.

Doarrása, čuolu ja vuojahaga fierpmit galget leat bajiduvvon čázeoaivái dahje goikásii dan boddii, go bivdu lea gildojuvvon. Bivdosiid buot eará gođđojuvvon oasis, oktan buđđui gullevaš jottuiguin ja merddiiguin, galget dollojuvvot goikásis.

11 §

Gođđojuvvon bivdosiid geavahanmeari ráddjehus

Dalle go luosa dahje guvžžá bivdá njággofierpmiin dahje buođuin, de oažžu geavahit giddodaga nammii oktanaga dušše guokte buođu dahje guokte fierpmi dahje ovta bivdosa goappáge, nu ahte váldojuvvo vuhtii maiddái ieš Deanus dáhpáhuvvi bivdu.

Eará guollešlájaid go luosa bivddus oažžu geavahit oktanaga eanemustá vihtta njággofierpmi giddodaga nammii.

12 §

Eará šlájaid bivdoáigi

Eará guollešlájaid go luosa dahje guvžžá oažžu bivdit njággofierpmiin miessemánu 20. beaivvi rájes geassemánu 20. beaivái sihke borgemánu 1. beaivvi rájes borgemánu 31. beaivái.

Eará guollešlájaid go luosa dahje guvžžá oažžu bivdit birra jagi jávrriin badjel 200 mehtera duohken joga oivošis dahje njálmmis.

297/2017

13 §

Fanasbivdu

Fatnasis, man mohtor lea geavvamin dahje mii lea buddejuvvon rávdnjái, ii oáččo bivdit iige luoitit bivdoneavvuid.

14 §

Bivdosiid merken

Bivdinláhkai biddjojuvvon njággofierpmit ja buođut galget merkejuvvot čielgasit nu, ahte čáziid alde johttit fuobmájit daid. Bivdosat galget merkejuvvot uhcimustá 15 sentemehtera čázeoavvi bajábeallai olli govddohagain dahje uhcimustá 40 sentemehtera čázeoavvi bajábeallai olli stákkožii giddejuvvon láhpuin, man oaneheamos siiddu guhkkodat galgá leat uhcimustá 15 sentemehtera.

Bivdosiidda galget merkejuvvot bivdosa biddji namma ja oktavuodadieđut sihke dan giddodaga namma, masa bivdovuogiatvuohhta gullá. Njággofierbmái mearka giddejuvvon bivdosa geahčái giddejuvvon govddohahkii, mii oidno bures. Buođus mearka giddejuvvon doarrása olggumus čuldii dahje rejkui giddejuvvon galbii dahje govddohahkii.

15 §

Luosa bivdomihttu

Sálašin bivdojuvvon luossa galgá leat uhcimustá 30 sentemehtera guhku.

16 §

Galljodat ja árppu šládja

Luossa- dahje guvžábivddus njággofierpmi sihke buođu jottu uhcimus lobálaš galljodat lea 58 millimehtera. Fierpmi galljodat mihtiduvvo njuoska bivdosis čuolmma guovddáža rájes čuovvovaš čuolmma guovddáži. Sreangga, metállaoara dahje sullasaš materiálahit ii oáččo geavahit bivdosiin.

Ovdalis 1 momeanttas oavvilduvvon firpmiin oážžu geavahit dušše ruoivásis, bummolis, nailončanarárppus dahje bodnojuvvon nailonis (nailon, perlon, terylena) dahkkojuvvon árppu. Čadačuovgi materiála, dego monofiilanailonárppu, ii oáččo geavahit.

17 §

Buođđu

Buođu ráhkadusa hárrái galget čuvvojuvvot Suoma ja Norgga gaskasaš Deanu čázádaga bivdonjuolggadusa 22 §:s mearriduvvon njuolggadusat.

18 §

Luossa- ja guvžábivdui oavvilduvvon njággofierbmi

Luossa- dahje guvžábivdui oavvilduvvon njággofierbmi lea njuolgadin suhppojuvvon ovttagardán fierbmi, mas lea govddohat goabbat geažis. Fierpmi ii oáččo giddet čuolddaiguin

dahje eará giddenneavvuiguin eará sajis go fierpmi gežiin. Giddenneavvun oažžu leat dušše ovttaskas buddu dahje ovttaskas čuolda. Njánggofierpmi ii oáččo suohpput mohkil.

Luossa- dahje guvžábivdui oaiivilduvvon njánggofierbmi oažžu leat eanemustá 30 mehtera guhku. Guokte dahje eanet firpmiid ii oáččo geatnit oktii, jos daid oktiirehkenaston guhkkodat lea badjel 30 mehtera.

Njánggofierpmiin bivdedettiin ii oáččo geavahit dahkkojuvvon rávdnjesuoji dahje vuojahat-fierpmi.

Nuppeláhkai go ovdalis 1 moneanttas daddjojuvvo, de Buolbmátjávrris oažžu geavahit luossabivdui firpmiid, maid uhcimus lobálaš galljodat lea uhcimustá 45 millimehtera. Guokte dákkár fierpmi oažžu geatnit oktii.

19 §

Eará guliid bivdin fierbmebivdosiiguin

Eará guliid go luosa dahje guvžžá bivdui oaiivilduvvon njánggofierbmi oažžu leat eanemustá 2 mehtera čikņosaš bodnefierbmi, mas lea seahkahis vuoksa ja mii lea ráhkaduvvon eanemustá 0,17 millimehtera gassosaš monofiilanailonárppus.

Njánggofierpmiin bivdedettiin ii oáččo geavahit dahkkojuvvon rávdnjesuoji dahje vuojahat-fierpmi.

Njánggofierpmi galljodat galgá leat uhcimustá 29 millimehtera ja eanemustá 35 millimehtera. Fierpmi galljodat mihtiduvvo njuoska bivdosis čuolmma guovddáža rájes čuovvovaš čuolmma guovddáži.

Buolbmátjávrris, Ohcejoga luobbaliin sihke Veahčajoga Rievssatjávrriin eará guliid bivdui oaiivilduvvon njánggofierpmiid čikņodat oažžu leat badjel 2 mehtera ja reaskábivddus oažžu geavahit firpmiid, maid galljodat leat uhcimustá 17 millimehtera. Čakčamánu 1. beavvi rájes cuoņománu 30. beavái dán guovllus eará guliid bivdui oaiivilduvvon firpmiid oažžu geavahit čázeoai fierbmin ja firpmiid galljodat oažžu leat 18–50 millimehtera.

20 §

Oalli ja bivdosiid gaskasaš gaskkat

Buođu dahje njánggofierpmi mihkkige osiid ii oáččo ollit joga váldo- dahje oalgesuorggi oali rastá. Bivdosiid olggumus oassi ii oáččo ollit gokkoge 10 mehtera lagabui joga nuppebealgátti. Nuppebealgáttiin oaiivildit maidái johkarokki sulluid, lássáid ja gárguid, maid gaskii báhcet sierra johkasuorggit.

Buođut eai oáččo leat gokkoge 120 mehtera lagabus nubbi nuppi.

Njánggofierbmi ja buođdu dahje guokte njánggofierpmi eai oáččo leat gokkoge 60 mehtera lagabus nubbi nuppi.

21 §

Fierbmebivdogieldoguvllut

Njánggofierpmi dahje buođu ii oáččo bidjat 200 mehtera lagabui oalgejoga lagamus gátti Geavu ja Čársejoga njálmmis Geavojávrris, Čársejoga njálmmis Geavus dahje Gálldašjoga ja Badje-Buolbmátjoga njálmmis.

Sálašalmmuhus registarii

Bivdi lea geatnegahtton doallat sálašbeaivegirji (elektrovnnalaš hámis dahje báhpára alde) ja almmuhit Deanu elektrovnnalaš sálašregistarii juohke bivdojuvvon lussii, guvžái, ruoššalussii ja girjelussii guoskevaš čuovvovaš dieđuid:

- 1) johka dahje jávri, mas guolli lea bivdojuvvon;
- 2) bivdobeavimearri;
- 3) bivdojuvvon guoli sohkahealli, deaddu ja guhkkodat;
- 4) luitojuvvon guliid mearri šlájaid mielde;
- 5) bivdoneavvu (stággu/vuogga, njággogfierbmi, buođđu).

Luitojuvvon guoli sohkahealli, deattu ja guhkkodaga ii dárbbas almmuhit.

Sállaša haga báhcán bivdi galgá almmuhit čuoggáid 1, 2 ja 5 dieđuid.

Sálašalmmuhus galgá dahkkojuvvot čuovvovaš vuossárgga rádjai bivddu maŋŋá. Bivdoáigodaga 2017 sálašalmmuhusa sáhtá guođdit bivdoáigodaga nohkama maŋŋá, goittotge maŋimustá čakčamánu 1. beaivve.

Eará guollešlájaid sállaša sáhtá almmuhit oktanaga go almmuhuvvojit luossa- ja guvžásállašat dahje bivdoáigodaga nohkama maŋŋá. Almmuhusas galget leat mielde guđege bivdojuvvon šlaja ollesdeaddu sierra šlájaid mielde.

Bivdolobiid luohpadeaddji geatnegasvuodas lágidit bivdái vejolašvuoda beassat elektrovnnalaš sálašregistarii lea mearriduvvon Deanu bivdosoahpamuša fápmuibidjanlága 8 §:s ja geatnegasvuodas vuostáiváldit sálašalmmuhusa Deanu bivdosoahpamuša fápmuibidjanlága 7 §:s.

Fápmuiboahhtin

Dát ášahus boahá fápmui geassemánu 1. beaivve 2017.

Dáinna ášahusain gomihuvvo Deanu guolástanbire oalgečáziid guolástannjuolggadusas ad-
dojuvvon ášahus (405/1990).

Helssegis miessemánu 24. beaivve 2017

Eana- ja birasministtar Jari Leppä

Ráđđádalli virgeolmmoš Tapio Hakaste